



Ta Jāān in Jibañ ñan Jikuul ilo Kaloj?

Rijikuul ro ilo High school: Jikuul ilo Kaloj ej juon kallimur moktalok ñan an rijikuul ro remaron tōbrak ilo middle school emōj aer kadeloñ ettaer in ebōk jāān in jibañ jen state im kadedelok kallimur eo aer ñan aer naj Jikuul ilo Kaloj. Jāān in Jibañ ñan Wonnen Jikuul ilo Kaloj ekoba jāān in jibañ ko jet jen state (einwōt Jāān in Jibañ eo an Washington ñan Wonnen Kaloj [Washington College Grant]) ñan kolla wonnen jikuul eo ekkā, jet wonnen ko, im wonnen bok ko ilo elōñlok jen 65 jikuul ko ilo Washington.

Ta in juon kallimur?

Ilo middle school, rijikuul ro renaj Jikuulo ilo Kaloj rej kallimur in:

- Kadiwōjlok jen juon high school ak jikuul ilo moko mweir iloan State eo an Washington State kin aoleben joñan katak 2.0 GPA (Grade Point Average, Joñan Aoleben Katak) ak eutiejlok.
- Lelok FAFSA (Free Application for Federal Student Aid, Ablikajon eo Ejellok Wonnen ñan Jibañ in Jāān an Rijikuul jen Federal) ak WASFA (Washington Application for State Financial Aid, Ablikajon eo an Washington ñan Jibañ in Jāān jen State) ilo ien eo emokaj alikin Oktoba 1 ilo yiō in kilaaj joñoulruo eo am ilo high school.
- Ejellok ruem kin rubrub kakien.

2022-23 joñan aikuj ñan kolla eo an baamle

Joñan Armij Imōn Jokwe	Kolla ilo Juon Yiō*
1	\$36,000
2	\$47,500
3	\$58,500
4	\$69,500
5	\$80,500
6	\$92,000
7	\$94,000
8	\$96,000

*Kolla eo an armij eo ilo imōn jokwe eo aikuj diklok ak joñan wōt joñan in.

Alikin kadiwōjlok, ewi wāween aō bōke wonnen Jikuul ilo Kaloj?

- Tōbare mennin aikuj ko ilo kallimur eo ñan Jikuul ilo Kaloj.
- Kadeloñ etam ilo kaloj iloan juon yiō alikin am kadedelok tiploma in high school eo am.
- En ejellok am likjab ibben kaloj eo am.
- Kateruru ñan jibañ in jāān aoleb yiō ko kwōj jikuul ilo kaloj.
- Tōbare mennin aikuj eo kin wonnen kolla ilo laajrak eo ej kwalok joñan aikuj ñan kolla ko an baamle.

Ta eo Jikuul ilo Kaloj aikuj jen na?

- Loloorja melele in kebaak ko am ilo tōrre in rebed ibben jikin eo ej bōk eddon Jikuul ilo Kaloj.
- Lale ibben koonjelor eo am ilo high school ñan loloorjak ke emōj am kadedelok aoleb mennin aikuj ko ilo kallimur eo.
- Bojak ñan am kabōk kaloj ilo am lale website eo an jikin eo ej bōk eddon Jikuul ilo Kaloj ilo wsac.wa.gov/sfa-institutions.

Kwōj ke aikuj jibañ? Jilkinlok Text eo ej ba Otter!

Otterbot ej juon jermal in jibañ ilo text ejellok wonnen ñan jibañ rijikuul ro ilo kilaaj joñoul ruo ilo high school im emōj aer kadeloñ ettaer ñan Jāān in Jibañ ñan Jikuul ilo Kaloj. Otter ej jilkinwaj melele im kein kōkememej kin jāān in jibañ. Rijikuul ro remaron loe Otterbot kin majej ilo text 24 awa ilo juon raan, jilimjuon raan ilo juon wiik ilo aer jilkinlok naan kein “Hi Otter” ñan 360-928-7281.



Jāān in Jibañ ñan Jikuul ilo Kaloj ej juon burokraam ej kolla jen state im koonjel eo ej lale an Rijikuul Tōbrak ilo Washington (Washington Student Achievement Council) ej kōmadmōde.

Ñan melele ko relablok kin burokraam eo im kin jāān in jibañ ko jet ilo Washington, lale wsac.wa.gov/sfa-overview, ñe ejab kebaak kim ilo email ñan collegebound@wsac.wa.gov, ak ilo talebon ñan 888-535-0747, kelet 1.



WASHINGTON STUDENT ACHIEVEMENT COUNCIL
College Bound Scholarship